



Inatsisartuni ilaasortaq Sara Olsvig, Inuit Ataqatigiit
C/O Inatsisartut Allattoqarfiat
/Maani

2013-imi § 37 naapertorlugu apeqqummut akissut nr. 244

20-01-2014
Sags nr. 2010-040884
Dok. nr. 1445515

Ulloq 3. december 2013 Naalakkersuisunut ima ittumik apeqquaqarputit:

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

1. Kalaallit Nunaanni meeqqat inatsisitigut inissisimanagerat pillugu inatsisissatut siunnersuutip aammalu inatsisip Kalaallit Nunaanni kingornussisarnermut tunngasup (inatsisit naapertorlugit ataataqanngitsutut taaneqartartunut tunngasoq) allannguutissatut siunnersuummut maannamut ataataqanngitsut, ataatarsineqareeraluarlutik kingornussinissaminnut periarfissaqanngitsut aamma inatsisit naapertorlugit ataataqanngitsut ataatamik kinaassusaannik aalajangiiffigineqanngitsut, pilersuisussaataaasup peerussimanagerata sumiiffeerussineqarnerataluunniit kingunerisaanik, naalagaaffimmiit arlaatigut taarsiiffigineqarnissaannik Inatsisartut tamarmiullutik innersuussillutik ilaliinerat atortussanngortitsinerallu pillugu Folketingip Kalaallit Nunaannut Ataatsimiititaliaata apeqquataanut novemberip 29-ani danskit naalakkersuisui akissumminni allapput "taamatut taarsiiffigineqarnissamik aaqqissuussisoqalersinnaaneq matumuuna inatsisissatut siunnersuutigineqartup privatitut peqataasut akornanni inatsisitigut pissutsinik malittarisaliuussisup avataaniippoq taamaammallu innersuussineq inatsisissatut siunnersuummik allanngortitsisussaangilaq." Akissummut tamatumunnga Naalakkersuisut qanoq isumaqarpat?
2. Naalakkersuisut imm. 17-ip aappassaaneerreqarnerani akissuteqaamminni allapput "Maannamut ataataqanngitsut, ataatarsineqareeraluarlutik kingornussinissaminnut periarfissaqanngitsut aamma inatsisit naapertorlugit ataataqanngitsut ataatamik kinaassusaannik aalajangiiffigineqanngitsut, pilersuisussaataaasup peerussimanagerata sumiiffeerussineqarnerataluunniit kingunerisaanik, naalagaaffimmiit taarsiiffigineqarnissaannik piumasaqarneq Naalakkersuisut tapersorsorluinnarpaat." Taartisiaqartitsinissamik aaqqissuussinerup tamatuma timalerreqarnissaa pillugu Naalakkersuisut qanoq iliuuseqarniarpat?
3. Qulaanisut allaatigineqartutut inatsisit naapertorlugit ataataqanngitsut eqqorneqartut naammaginartumik taartisiaqarnissaat Naalakkersuisut qanoq innersuussuteqarfigisinnaavaat?
4. Allannguutissatut siunnersuut Inatsisartut akuerinikuusaat pillugu Naalakkersuisut aamma qanoq eqqarsaatersuteqarpat, kiisalu

allannguutissatut siunnersuut Naalakkersuisut qanoq
kinguneqassangatippaat?

Apeqquut 1 aamma 2: Kalaallit Nunaanni meeqqat inatsisitigut inissisimanerat pillugu inatsisip nr. 197-ip 16. juni 1962-imeersup aamma Kalaallit Nunaanni kingornussisarneq pillugu inatsisip nr. 154-ip 27. maj 1964-imeersup allangortinneqarnissaannut Inatsisartut aalajangiiffigisassaattut siunnersuutip aappassaaneerpeqarneranut atatillugu innersuussutigaara, Naalakkersuisut maluginiarsimagaat, Inatsiseqarnermut Ataatsimiititaliap isumaqatigiittup inatsisissatut siunnersuutit akuersissutigineqarnissaat Inatsisartut aalajangiiffigisassaattut siunnersuuteqaannarani aammattaq inassutigimmagu, Naalagaaffiup inatsisit naapertorlugit ataataqanngitsut aningaasatigut taarsiiffigisariaqarai. Naalakkersuisut aalajangiiffigisassatut siunnersuut aamma aningaasanik taarsiivigitinnissaq isumaqatigaat. Tamatumunnga ilutigitillugu erseqqissarpara, Naalakkersuisut isumaqartut, suliami pisinnaatitaaffik aamma naammattumik pineqarnerup annertuumik imminnut ungasinnerat, kisiannili Naalakkersuisut inuit pisinnaatitaaffiinik allangortitsinissaminut periarfissaqanngitsut. Tamatumani pivara, nunat tamalaat akornanni inatsisitigut innarlerneqarsimasut taarsiiffigitinnissaminut piunasaqarsinnaanngitsut, tassani apeqquataatinnagu ukiuni arlalinni Europami Inuit Pisinnaatitaaffii pillugit Isumaqatigiisummi aalajangersagaq ilaqutariissinnaatitaanermut pisinnaatitaaffik pineqaraluarpalluunniit.

Naalakkersuisut maluginiarsimavaat, danskit naalakkersuisuisa nalunaarutigisimagaat, taamatut taarsiivigineqarsinnaanermut aaqqissuussinermik pilersitsinissaq inatsisissatut siunnersuutip isikkumisut isikkoqartilluni killiliussat iluaniinnginnera, taamaasilluni illuatungeriit inuunnaasut inatsisitigut imminnut attuumassuteqarneranik naleqqussaasinnaaneq, taamaattumillu Inatsisartut inassuteqarnerat inatsisissatut siunnersuummik allangortitsinermik kinguneqassanngitsoq. Ilisimavara, Folketingip Kalaallit Nunaannut Ataatsimiititaliaata inatsisissatut siunnersuut unitsikkallarsimagaa, taarsiiffigitinnissamut apeqquutip qulaajarneqarnissaanut ilutigitillugu. Inatsisartut inatsisissatut siunnersuutip akuerineqarnissaanut taarsiiffigitinnissamut apeqquut piunasaqaatiginngilaat. Inatsisissatut siunnersuutip naammassineqarnera tassaassaaq kalaalerpassuarnut siviisuumik ujartorneqarsimasooq ersarissumillu pitsanngorsaataasussaaq, taakkua taamaasillutik ataataminut tunngasumik apeqqutinik akissutisinerannik amerlasuullu kingornussassanut tunngatillugu periarfissaqalernerat. Periarfissaq tamanna kikkut tamarmik pisinnaanngilaat, kisianni inatsisissatut siunnersuutip paamaarunneqaratarsinnaanera pinngitsoortittariaqarparput, imaluunniit inatsisissatut siunnersuutip amerlasuunut ajoqutaasumik aammalu ikinnerusunut taarsiivigineqarnissamik aaqqiissutissap pilersinngitsoorneqarnissaa pinngitsoortittariaqarparput. Naalakkersuisut danskit naalakkersuisuisa taarsiivigineqarnissamut apeqquummut tunngatillugu isumaat allangortikkusuppaat, kisianni inatsisissatut

siunnersuut aamma taarsiivigineqarnissamut apeqqutip immikkoortillugit suliarineqarnissaat kissaatigaarput. Taamaattumik Statsministerip Helle Thorning-Schmidt-p kingullermik ataatsimeeqatiginerani suliaq pillugu Inatsisartut suliarinninnerat Naalakkersuisullu tassunga Statsministerimut nassuaateqarfigaara. Tamatumunnga ilutigitillugu Naalakkersuisut isumaat saqqummiullugulu aalajangiusimavara, aningaasanik taarsiivigitinnissaq pillugu inatsisissatut siunnersuutip paasiuminaatsumik naammaginangitsumillu inerneqarsinnaanera, aammalu pisinnaatitaaffiup naapertuilluarnerullu akornanni ungasinnerup aningaasanik taarsiiffigitinnissamik kissaateqarnerup tamanna tunngavigigaa. Tamatumalu oqaloqatigiissutiginera naammassillugu eqqartorneqarsimasutut isiginngilara.

Apeqqut 3: Taamatut aningaasanik taarsiiffigitinnissamut qanoq uuttortarneqarnissaa Naalakkersuisut nikinnaveerutiginnigilaat, nikinnaveeqqasutut inissisimanagerit suliamut atatillugu oqaloqatigiinnermut siuarsaataasinnaangimmata. Aningaasamik taarsiivigitinnissap uuttortarneqarnissaanut periarfissat ammaanneqarpata, Inatsisartut suliamut akuliutsinneqarumaarput.

Apeqqut 4: Apeqqutip 1-ip qulaani akineqarneranut innersuussivunga.

Inussiarnersumik inuulluaqqusillunga

Aleqa Hammond